

107.  
IACOBI. CASTALIONIS  
ROMANI. IOS. F  
ORATIO.

*In funere Magdalenae matris habita Corneti, in templo  
Sancti Francisci, XIII. Kalendas Februa-  
rias. M.D.XCVII*

AD  
OCTAVIVM. BANDINVM  
CARDINALEM



SVPERIORVM. PERMISSV  
ROMAE, Apud Aloysium Zannettum. 1598

JACOBUS GASTALIONIS  
ROMANI  
ORATIO


In hac oratione  
de rebus  
et personis

AD  
OCTAVIANUM  
CARBONIUM



ST. PETER'S, N. Y.  
1875

OCTAVIO. BANDINO  
CARDINALI  
FLAMINIAE. LEGATO



Iacobus Castalio Iosephi filius. Salutem.



**IRTVTES** animi tui alius alias admiratur, quibus & ad summos honores aditum tibi fecisti, & in gerendis honoribus sapientiæ gloriam consequeris. Ego quotiescunque singularem in te humanitatem esse de patre meo audio, audio autem saepissime, incredibili ravior cupiditate ad te amandum, colendumque. Testem observantiae meae libellum mitto, quem nomini tuo inscribere ausus non essem, nisi ut id facerem, illa ipsa humanitas mihi tua imperasset. Quamquam enim ab huiusmodi consilio deterrebar, quod & oratio, qua matrem ipse laudavi, & patris poemata in coniugis, ac filiae obitum, diemque natalem meum, amplitudinem tuam minime decere viderentur: tamen mihi persuasi, nullum esse tã humile scriptionis genus, quod ad te delatum, pro tua facilitate, & ad ingenia fouenda propensione, libenti animo non acciperes. Te igitur oro, atque obsecro, ut res domesticas nostras litteris mandatas, in sinum tuum confugientes, non inuitus admittas: quando nos in fidem & clien-

A a telam

4  
telam tuam non grauate susceperis. Absoluetur aliquando,  
quod inchoatum & rude apud nos est de laudibus tuis  
opus, licet multi sit laboris & otij pro rei dignitate dicere  
de familiae, unde ortus es, splendore, deq. optima edu-  
cationis tuae ratione, corporis forma, studijs litterarum,  
quas ab ineunte aetate ita coluisti, ut in ijs excellueris, iu-  
ris ciuilis prudentia, pietate, iustitia, temperantia, &  
fortitudine, quarum virtutum fama impulsus CLEMENS  
VIII. Pont. Max. te in magistratibus Urbanis satis su-  
perque spectatum pro Legato Bononiam administrare  
iussit, Archiepiscopatuque Firmano auctum Cardinalem  
creauit, Legatūq. Rauennae, atq; vniuersae Flaminiae con-  
stituit. Non enim in ijs conscribendis modo, sed ne in re-  
censendis quidem parum temporis ab ingeniosissimo quo-  
que poni posset. Interim haec rerum nostrarum monumen-  
ta ne aspernare, qui nos tuendos semel suscepisti. Vale.  
Romae. XI. Kal. Augusti. CLJ. D. XCVIII.



# IACOBI CASTALIONIS

## IOSEPHI FILII

### ORATIO

*In funere Magdalenae matris habita Corneti, in templo  
Sancti Francisci, XIII. Kalendas Fe-  
bruarias, M.D. XCVII.*



ON vereor, quin pie potius, quam im-  
pudenter vobis, qui funeri operam datis,  
fecisse videar, quod matris laudandae  
munus susceperim, praesertim cum vete-  
rum Romanorum instituto nitar. Impe-  
dior quidem lacrymis, ne longiori, ut par  
esset, oratione vitam & mores eius com-  
plecti possim: sed conabor utcumque, in tantoque animi dolo-  
re ac luctu initum a genere ducam. Fuit Iulij Pontificis Maxi-  
mi popularis, & quamdiu Pontifex vixit, familiaris Iulius Simo-  
nius avus maternus meus, vir pari pietate, & innocentia. Is ex  
Hortensia Torfiella Romana coniuge filiam sub horam prandij  
Idibus Maijs MDLIX. in vrbe suscepit. Erat eo anno alter dies  
Pentecostes S. Spiritus in Apostolos immisione celebris, cum fi-  
lia avus meus est auctus. Tanta pareres, cognatosque voluptate  
partus perfudit, ut nihil in vita iucundius accidisse ijs sit visum.  
Ab amicis sane, domesticisque pavimentum, vestibulum, & viam  
rosis refertam in laetitiae significationem accepi. Infanti se-  
ptimo post ortum die, cum sacris baptismalibus initiaretur,  
Magdalenae a pijs parentibus nomen factum. Per infantiam  
varijs grauissimisque morbis vexata, medicis coniectandi  
ansam praebuit, fore breui ut in caelum reuolaret, aut ad sum-

postridie Kalendas Iulias, quem diem Visitationis Sanctae Ma-  
 riae festum quotannis summa pietate coluit, sub horam noctis  
 primam me primogenitum peperit. Vbera infanti, nisi per men-  
 sem, admouere non potuit, quod papillarum dolorem minime  
 ferret, quodq. ex magna lactis vi in febrim incidisset. Femi-  
 nas deinceps tres genuit, quarum prima, cui nomen Felici fuit,  
 morbo sublata septimo & decimo aetatis mense e terris in cae-  
 lum redijt. Reliquas duas annis quatuor inter se distantes, Ca-  
 tharinam, & Lucretiam incredibili caritate aluit. Me in  
 primis singulari amore atque indulgentia sic profecuta est, ut  
 saepe cum patre meo, qui ad disciplinam asperior videbatur,  
 altercaretur. Nihil erat laboris, quod liberorum causa non  
 subiret: omnia excogitabat, moliebatur, efficiebat, quo filijs  
 consultum esset. Nihil ad victum cultumque quod pertineret,  
 omisit. Si quando quispiam e nobis aegrotaret, vix, ac ne  
 vix quidem dici potest, quanto studio, & cura adesset, opitu-  
 laretur, inferuiret. Patris vero sic optime de se meriti, quem  
 decennis, ut dixi, amisit, memoriā summa pietate perpetuo co-  
 luit. Eius animae suffragia quotannis in Sancti Gregorij tem-  
 plo habenda per sacerdotes curabat. Matrī vero, quam super-  
 stitem reliquit, dicto semper audiens fuit. Ei neque in parum  
 firma valetudine, neque in rebus aduersis vnquam defuit. Vi-  
 rum suum vnice amauit: omnia se adeptam arbitrabatur, si  
 ab eo gratiam iniret. Vnum illud exoptabat, ut cum viro ae-  
 rarem degeret extremam, consenesceretque, non quod vitae  
 huius mortalis valde cupida esset, sed ut liberis, quoad se ipsi  
 tueri possent, praesto esset. Quod tamen ei non contigit. Ve-  
 rum quādiu in connubio vixit, vixit autē cum viro annos quin-  
 decim, semper coniugi morigera, curarum particeps, rei que  
 familiaris tuendae studiosissima exstitit. Deū & diuina myste-  
 ria summiopere venerabatur. Religionem autē ita colebat, ut à  
 superstitione cum suapte natura, tum mariti hortatu, & moni-  
 tis quam longissime abesset. Cibi perpusilli fuit, praesertimq.  
 a pomis se abstinebat. Piscibus tamen auidius vescēbatur, quā  
 carnibus: carnes item libentius assas, quā elixas appetebat. Pu-  
 dicitia vero, & castitas in illa penē incomparabilis fuit. Nullis  
 vnquam

vnquam ceterarum exemplis, vocibusve feminarum perducipotuit, vt fucō vteretur, formam pigmentis excoleret, cerussa & purpurisso faciem illineret, idque sua sponte, nullius iussu pertinacissime seruauit. Nihil alieni, sui emolumenti & lucri gratia, apud se esse patiebatur. Huius rei vnicum proferam in medium argumentum silentio non inuoluendum. Telam in Vrbe a praetereunte institore praesenti pecunia cū emisset, duoque ad summam deessent aurei, egit cum illo, vt quantum post diem rediret reliquos aureos duos accepturus. Is nunquam postea reuersus est. Ipsa, vbique hominem conquiri iussit. Nusquam inuentum, obijisse renuntiatum est. Quo nihil accerbius tulit. Non enim videbat, qua ratione, vt volebat, ei, aut heredibus, qui nulli dicerentur, satisficeret. Quare pecuniam apud sacerdotem, qui sibi a confessionibus erat, eade re consultum, eius arbitrio erogandam deposuit. Mercedem, & nomina contracta primo quoque tempore ex maritipraecepto dissoluebat. In pauperes, rerumque sacrarum cultum pro re familiari admodum benigna & liberalis fuit. Cupiebat quidem certē maiorem liberalitatis exercendae facultatem sibi dari. Viros, feminasque artioris vitae studio, & religiosae disciplinae obseruantia insignes, omni officio, ac pietate prosequabatur. Ex ijs quicunque ex humanis excessissent, eorum imagines, apud quas precibus vteretur, studiose conquirebat. In primis Congregationis Oratorij Patres, quibus & coniux addictus esset, venerabatur. Ineunte Octobri templū Beatae Mariae Virginis matris Dei in Vallicella, ex Vrbe cū viro in hanc ciuitatem profectura, salutauit. Ibi per Thomam Bozium pietatis & doctrinae gloria florentissimum, facta peccatorum confessione, Deo se reconciliandam curauit. Pater meus cum iurisdictione & imperio a Petro Aldobrandino Cardinali ad vos ire iussus, cum a Caesare Baronio item Cardinali, per quem praeturam adeptus erat, vrgeretur, vt quam primum discederet, iter adornabat, familiam vniuersam secum ducturus. Accidit autem perincommode, vt subito in febrim Catharina soror mea natu grauidior inciderit, quae res totam professionis rationem subuertit. Cum enim antea, vt di



xi, cum vxore, & liberis iussu Caesaris Baronij Cardinalis abire decreuisset, filiae morbo grauissimo coactus est cum duobus tantum, quorum opera vteretur, praemissis sarcinis, huc concedere. Verum ingrauescente in dies filiae morbo, litteris vxoris suae Romam reuocatus, impetrata per aliquot dies a Cardinali Aldobrandino missione, in Vrbem reuertitur: quocum venisset, filiamque prope extinctam offendisset, quid consilij caperet, non satis sciebat. Nam neque diutius a Praetura ipse abesse poterat, neque vxor sine viro in Vrbe relinqui volebat: filiamque grauissimo confectam morbo commouere, periculosum erat. Fretus tamen Matris Dei, Sanctorumque auxilio, leuistica deportandam curat. Sexto igitur Idus Nouembris anno Domini MDXCVI. profecti Braccianum, inde postridie Barbaranum progressi, quarto Idus Cornerum venimus. Sorori meae statim melius fuit, oculis caligantibus tenebrae discussae, lumen redditum, corpus macie obductum, atque exhaustum refectum, ac plane confirmatum; quae res incredibili nos gaudio perfudit. Quamobrem Deo, Deique genitrici, Sanctisque actae a parentibus gratiae. Romam ea de re litterae cum sororis meae vestibis, & vortua tabella, missae ad Antonium Galonium Congregationis Oratorij sacerdotem, singularis integritatis & eruditionis virum. Ceterum nos ex summa laetitia in maximum dolorem, vt sunt rerum humanarum vicissitudines, repente coniecti sumus. Nam mater, coniugis sui institutum secuta, pridie Domini nostri Iesu Christi Natalem ieiunium in noctem protraxit. Coenauit, à coena stomacho pituita referto laborare coepit. Neque tamē deterreri potuit, quin ad sacra nocturna in peruigilio sacratissimo cum viro, matre, & liberis in Sanctae Margaritae ecclesiam cathedralē ex Prætorio proficisceretur. Inde domum reuersa post mediam noctem vsque in lucem quieuit. Mox in templum regressa sacris Missarum mysterijs interfuit, & cum viro a religiosissimo Episcopo Hieronymo Bentiuolo summa veneratione Domini nostri corpus sumpsit, neque per festos dies firma plane valetudine est vsa. Quarto autem Kalendas Ianuarias ardentissima febris correptam, morbi vis, quæ nullis neque



familiarium laboribus, vigilijsve, neque medicorum artificijs, neq; votis, religiosorum ve precibus tolli potuit, cubili affixit. Studium, amorem, caritatem, & pietatem mariti in vxorem, & matris in filiam maiorem nemo vnquam agnouit. Hesternæ, proh dolor, nocte sub horam primam, sacris omnibus munita per duos & viginti dies cum morbo confictata decessit, & matronis, quæ officij causa conuenerat paulo ante rogatis, vt pro se Deum orarent, sine vlllo molestiæ signo Christo Redemptori animam reddidit. Verbis exprimere non possum, quis deferti coniugis dolor, & gemitus, quis orbae matris, & liberorum fuerit eiulatus. Per noctem ad defunctæ corpus lotum, vesteque, auro, & gemmis ornatum, cereis accensis preces, quæ pro mortuis haberi solent, a viro, & a pijs hominibus sunt recitatae. Hodie mane matronarum in praetorium factus est concursus: amissam nulla non luxit. Hortensiae auiae meae filiam insolabiliterploranti, dolendo, & consolando nulla defuit. Idem a viris patri meo de vxoris carissimæ transitu vehementius dolenti est praestitum. Elatam honorificentissime omnes ordines, ciuitasque vniuersa profecuta est in hoc S. Francisci templum. Dolorem nostrum non nihil vestrum hoc studiũ & officium imminuit. Quod si vestrae ad vitam matris meae caste, pieque transactam preces accesserint, quo certius credi possit in beatorum sedes animam illius relata esse, maxima nos maeroris parte leuabitis. Equidem arbitror, matrem e terris felicem migrasse, si felix veterum sapientum sententia is est habendus, qui nullo rerum incommodo & detrimento accepto moritur. Nam Magdalena mater vitam ab infantia ad religionis normam instituit, perque Beatissimæ Virginis protectionem, quæ voluit, consecuta est. Nupsit patri meo Iosepho Castalioni Praetori vestro ex Equite Lauretano, Iuris vtriusque prudentia, & literarum elegantia principibus viris caro. Nuptias suas viris, & feminis clarissimis cohonestatas summa cum voluptate spectauit. liberis & redditibus aucta, nihil fere aduersi est experta. Me Lateranae Aulae Comitum Sixti Quinti Pont. Max. beneficio factum, a Clemente Octauo item Pontifice Maximo annuis redditibus benigne donatum, paternisque

nisque vestigijs insistentem laeta exosculabatur. Coniugem cum iurisdictione, & imperio in hanc praeturam comitata, apud vos & summo in honore fuit, & ad Dominum transiuit. Funus honestissima & celeberrima pompa factum. Missarum sacrificia, & suffragia, quaecumque defunctis haberi solent, & hic rite procurata, & Romae persoluentur plura, litteris ad amicos à patre ob id missis. Tres totas noctes, antequàm mater obiret, fuit apud nos Faustina Sigismundi filia, quae ab incunte adolescentia virginitatis suscepto voto Sancti Francisci Astitatis institutum constanter tuetur. Haec modolibellos de Passione Domini, deque Dei in homines benignitate recitans, modo de vita aeterna differens, ad caelestem gloriam ultro aspiranti stimulos ita subdiderat, vt diceret mater mea ex illius sermone multum se adiuventi ad verae beatitudinis spem percepisse, vnumque in primis dolere, quod maiorem in liberos alendos, & res fluxas parandas curam, quam in Dei cultum, animaeque suae salutem, impendisse sibi videretur. Deum, & Dominum nostrum Iesum Christum oro, vt animam matris meae in aeterna illa caeli claritate, simulatq. expediet, videré me iubeat, & vobis praeterea, qui exequijs interfuistis, omnia semper presta & felicia largiatur. Dixi.



12  
ANTONIVS. NVMAIVS  
IOSEPHO. CASTALIONI  
SALVTEM



**D**E laudatione, quam in funere matris Corneti habuit Iacobus laudatissimae indolis adolescens filius tuus, iudicium meum exquiris suauissime Castalio, veritus fortasse, ne tuum integrum aliquin & firmum vel corrumpat paternus amor, vel infirmet. Ego vero, quamquam caeco de coloribus aestimanti nullam scio fidem adhibendam esse, volui tamen voluntati tuae obtemperantem temeritatis periculum praesubire, quam petita negantem ficti amoris vestigia reliquisse, eo libentius, quod cognita ingenij tui facilitate, confido haec eo te accepturum animo, amico scilicet ac beneuolo, quo libero dantur, ac summa erga te beneuolentia affecto. In ea igitur orationis puritatem, locutionis elegantiam & sermonis naturalem quendam candorem quis inficiabitur? Haec in adolescente primordia mirros ad omnem dicendi facultatem progressus praenunciant quos tenera adhuc aetas si deneget, quid mirum? cum ad quoslibet profectus non labore tantum, & industria, sed tempore etiam, & die egeamus. Nec segetibus, ceterisque frugibus maturitas, nisi in tempore prouenit. Desunt colores illi rhetorici, fateor, quibus paruae res extolluntur, & ma-

ximae

xima deprimuntur. in illa, ijs si accederet sententiarū splen-  
 dor, & figurarum ornatu, nihil eſt, quod amplius in ab-  
 ſoluto oratore deſiderem. Puellam mihi videre videor natu-  
 rali forma præſtanti, non ſuco illitam, non calamis ſtris  
 inuſtam, non ſerica, vel aurea veſte ornatam, quibus æque  
 atque a nativo colore plerumq. aſtantium oculi rapiuntur,  
 & falluntur, vt elocutione aures capiuntur, & animi.  
 Pietas vtrumque in filio excuſabilis, qua nobilis animus  
 dolore correptus cetera orationis pigmenta reiecit, mera  
 dilectæ matris narratione vitæ contentus, in qua cum  
 omnia laudanda complexus ſit, non ita forſitan ab alijs  
 eadem laudarentur, ſi verborum circuitu virtutes eius  
 extollere tentaret, quaſi parum rei veritate fretus. ſi-  
 des enim quodammodo dictis detrabi videtur, quoties  
 verborum quibuſdam veluti fulcris vel ad laudes,  
 vel ad vituperationes accedimus. Hoc meum de ea iudi-  
 cium. De edenda ſi expoſcis, quid ni? Audendum quippe  
 adoleſcenti exiſtimo, hæc ſtudiorum ſuorum tirocinia  
 ampliſſimo illi Cardinali probare, cui virtutum omnium  
 ſpacia emenſo, tum vero eximia quadam humanitate, no-  
 biliſſimo illuſtriſſimoque viro digna, eminenti gratiam fore  
 certo ſcio (expertus loquor) hanc optimi adoleſcentis pieta-  
 tem perinde, ac ſpem illam, quam parenti litterarum ſplen-  
 dore eius amplitudini probatiſſimo atque cariſſimo non par-  
 uam excitare poteſt. Quare, quod fauſtum, felixque, illi &  
 opto, & auguror, audeat, & edat.

14  
IOSEPHVS CASTALIO  
IACOBO. FILIO

SALVTEM



LEGIAS duas, quibus dolorem  
de vxoris, & filiae morte, solari, seu  
verius testari meum, cum a iure di-  
cundo, quaestionibusque habendis  
vacui quid temporis essem nactus, li-  
buit, carmenque de tuo natali die fu-  
sum ex tempore ad te mitto. Quae omnia orationi fu-  
nebri tuae, si videbitur, adiunges. Tu, velim, memineris,  
quo te cum sorore tua, & auia in Urbem consilio remi-  
serim, amicisque hoc potissimum anni tempore, quo  
honestissimus quisque hinc in aestiua & salubriora loca se  
recipit, rationem esse valetudinis meae habendam per-  
suadeas, ne pestilentis caeli virio in morbum incidam.  
Ages cum Petro Cardinali Aldobrandino, vt mihi ante  
tempus, immo primo quoque tempore omnino succe-  
datur. Vale. Corneti Sexto Nonas Iulias Natali tuo.  
CICID. XCVII.



## IN. LVCRETIAE. FILIAE

ET. MAGDALENAE. VXORIS

O B I T V M



IOSEPHI. CASTALIONIS

Elegia



*E. quoque Mors avido refecans, Lucre-  
tia, ferro,  
Solamen rapuit, deliciasq. meas.  
Vt flos purpureus vernanti concidis  
aeuo,  
Ne iam sit, tenero quae vocet ore patrē.*

*Annus agebatur vitae tibi sextus, & aestas*

*Septima adornabat spicea ferta comis.*

*Pingere acu docta, & cordas impellere docta,*

*Ad summae poteras tendere laudis iter.*

*Ipsa minor natu fratrem, dulcemque sororem*

*Praenertis moriens, destituisque patrem.*

*Prosequerisque tuo maternum funus, & auges*

*Funestam propria filia morte domum.*

*Ergo ego in hos servor luctus, lacrymasque superstes?*

*Et poenae adduntur tempora longa meae?*

*O tempestive coniux mandata sepulchro,*

*Quae non hoc aegro pectore vultus alis.*

*Nunquam tu tantum potuisses ferre dolorem.  
Felix, quae mecum non mala tanta vides.  
Oppetis ipsa quidem viridi fraudata iuuenta,  
Et nostri linquis gaudia connubij.  
Sed moreris felix, nullo vexata dolore,  
Pignoribus saluis, incolumique domo.  
Me miserum, qui te amissam noctesque, diesque,  
Et sobolis carae funera acerba queror.  
Nonego te posthac coniux dilecta tuebor,  
Percipiamve tuas filia blanditias.  
Vos, o Vos liceat nobis tellure relicta  
Quamprimum mixtas cernere Caelitibus.  
Interea creptas numeris vrgebimus ambas  
Flebilibus, carmen pignus amoris erit.*





EIVSDEM  
DE. MAGDALENÆ  
VXORIS  
ET. LVCRETIAE. FILIAE. OBITV.



ELEGIA

**S**EXTVS ab uxoris processit funere  
mensis,  
Nec mihi sunt longa lumina sicca die,  
Sed desiderio dilecta coniugis horas  
Torqueor incunctas, discruciorq. miser.

Multiplici rerum crudescit imagine vulnus,  
Transadigitque recens pectora maesta dolor.

Languida si viduo committere membra cubili  
Nox suadet, gemitus fit mihi causa torus.

Hic mecum, repeto, carpebat laeta soporem,  
Hic saevae indomitam vim tulit aegra luis,

Hic animam caeli superas emisit in oras,  
Hic dulces patos, destituitque virum.

Si circumferimur celsae penetralibus aulae,

Exanimis domo sublimi compoſta fereſtro  
 Nuſquam ſe ad gemitus fleſtere dura meos :  
 Explicui ſimul ingratis veſtigia teſtis ,  
 Confeſtim ſpecies me lacrymoſa petit  
 Scilicet hac molli carpento inueſta ferebat  
 Et matre , & caro gaudia magna viro .  
 Proh dolor , hac populo , atque ipſo comitante Senatu ,  
 Exinctam exequijs triſtibus extulimus .  
 Ingredior quoties ſupplex ſacra limina templi ,  
 Ex oculis manant flumina larga meis .  
 Namque nurus inter non ultima laude pudoris  
 Hic precibus flexit numina ſumma Dei .  
 Clauditur heu tumuli mutum nunc marmore corpus ,  
 Nec reddit cuiquam , nec bibit aure ſonos .  
 Dure lapis , noſtro necdum ſatiare dolore ,  
 Qui cumulas alijs funera funeribus ,  
 Exhaustiſque domum geminato pignore , & orbas  
 Prole patrem erepta coniuge ſollicitum ,  
 Orbis in excidium precor haec tibi credita ſerues  
 Corpora , quae aetheria ſiſtat in arce Deus .  
 Turrigeri o nunquam Corneti frena dediſſet  
 ALDOBRANDINI dextra benigna mihi .  
 Inſolabiliter funeſta ſolus in aede  
 Non quereretur ſenij grandia damna mei .  
 Non intempeſti verſarem crimina caeli ,  
 Carmimbus fieret nec rea terra meis .  
 Et nata , & coniux vitales duceret auras ,  
 Aut non externa contegerentur humo .  
 Si tellus letho linquenda fuiſſet acerbo ,  
 Vtraque natali condita ſede foret .

*Te sine, quo Romam repetemus pectore, coniux?*


*Te sine, quid fuerit, filia, dulce patri?*

*Me quoque, me vestris adiungat dira sepulchris*

*Pestilientia, carmen funera nostra notet.*

*Castalio hic situs est, cum prole, & coniuge. Caelum*

*Vt teneat pariter, lingua precare pia.*



E I V S D E M

DE. IACOBI. CASTALIONIS

FILII. NATALI. DIE



*L T E R A lux abijit Quinctilis, & Hesperus alter*

*Nate tuo aetherios natali prouocat ignes.*

*Ecquid materni te commonet hora laboris?*

*Annus & a decimo quintus vestigia cogit*

*Nostra sequi, & famam studijs conquirere honestis.*

*Iam potes vxorem per leges ducere pubes,*

*Ponere & heredem tabulis, vel templa tueri*

Excitat ad laudem, Patrum nec purpura summa,  
Praemia virtutis finit acuum vivere inerte,  
Virginis aeternae venerandum numen adora,  
Cuius tu fesso venisti lucis in oras,  
Pro eam Dominam precibus genitrice fatiga,  
Ut solum sublime Dei, sanctasq; cohortes  
Aspiciat propius felix caelestibus oris.  
Hac vna nostrum minues ratione dolorem,  
Et me de amissa solabere cominge maestum.


FEI V 2 D E W

FILII DIE



Eiusdem

EIVSDEM  
IN: NATALEM. IACOBI  
CASTALIONIS  
FILII. DIEM  
ANNO. DOMINI. M.D.XCVIII



*V*LIVS aestivas mortalibus attulit  
horas,  
*E*t colimus sanctas intactae Virginis  
aras.

*L*ustra peregisti vitae tria. laetius annos  
Nate bis octonos ordine, Deiq. Parentem

*M*uneribus venerare pijs, & pectore puro.  
*H*aec mihi festa dies cunctis celebrabitur annis,  
*Q*uae te iucundas eduxit lucis in oras,  
*E*t me quae patrio donavit nomine princeps.  
*H*ac et sub templo genitrix tua luce quotannis,  
*D*um fuerat vincolo nobis sociata iugali,  
*R*eginae Caeli meritos soluebat honores.  
*N*unc quoque credibile est illam exultare non esse

*Te sine? cur summo per te non sistor Olympo?  
Sed tamen in terris dum, Magdalena, morabor;  
Coniugij memores nostri de pectore questus  
Ibunt, & macsum solabor carmine amorem.*



MAGDALE.





MAGDALENÆ. IVLII. SIMONII. FILIÆ  
CONIVGI. OPTIMÆ

VIXIT. ANNOS. XXXVII. MENSES. VIII. DIES  
IV. OBIIT. CORNETI. IN. MARITI. HONORE  
XIV. KAL. FEBRVAR. CID ID XCVII

ET. LVCRETIÆ. FILIÆ. SVAVISSIMÆ  
VIXIT. ANNOS. V. MENSES. XI. DIES. VII  
OBIIT. CORNETI. MAGDALENÆ. MATRIS  
DESIDERIO. VIII. IDVS. MAIAS. CID ID XCVII

AMBAE. DEPOSITAE. CORNETI. IN. TEMPLO  
S. FRANCISCI. IN. FORTVNII. IAEII.





MAGDALENAE ET LUCAE SVAVISSIMAE  
CORNELII OPTIMI

VITALI ANNOS. XXXII. MENSES. VII. DIES  
IN ORBE CONIUNCTI IN. KAL. IAN. 1600  
XIV. KAL. FEBRUAR. CIO. 1601

ET LUCRETIAE SVAVISSIMAE  
VITALI ANNOS. V. MENSES. XI. DIES. VII.  
CORNELII. MAGDALENAE. AD. TRIS  
DESIDENTI. VII. MENS. MAIAS. CIO. 1601

AMAE. DEPRASHAE. CORNELII. IN. TAPPO  
S. FRANCISCO. IN. PORTVM. LEBIL  
MONUMENTO. QVIESCUNT. IN. PACE

IOSEPHVS. CASTALIVS. CONIUX. ET. PATER  
DIGNI. ENTIVS